

開放文學 – 神鬼仙俠 – 東遊記 九 秦王請禱玄女

卻說國王聞奏，竟如其言，沐浴齋宿，傳檄親禱於玄女廟中，檄曰：朕膺天命，撫有大秦。萬幾朝夕乾乾，民瘼晨昏切切。深幸民安如堵，災禍不生；不意變起蕭牆，患生宮掖。今有牛頭妖怪，潛入深宮，逞異類之雄威，把朕躬於岩穴；起豺狼之毒性，囚朕後於冷宮。淫辱妃娥，污穢宮闈，八方懷怒，七廟含羞。曾敕羽林問罪，反遭屠戮之凶。故宜司馬報仇，又乏制禦之策。虔心請禱，祈顯神靈。倘殲妖物於宮闈，願敕廟貌於不朽。檄文傳至，神明鑒之！

國王既禱廟中，將檄文燒化，自回太廟，與群臣商議破妖之策去了。

卻說玄女覽過檄文，登雲一看，乃知青牛作禍，因自言曰：“老君何故疏虞，致令此怪作禍。本待誅戮，但於老君面上不便。”於是一面差人將簡書奉知老君，一面托夢於國王曰：“可於明日點兵攻擊，我自有制妖之法。”大喝一聲甦醒。國王諒醒，乃是南柯一夢。即起呼群臣曰：“適來夢一女子，教我點兵攻擊，彼自有制妖之法，此夢果可信乎？”群臣曰：“此必玄女指示，可依具言之，必有應驗。”

國王次早傳令，點兵五十萬，圍走後宮。那妖正在宮中作法，聞兵四面圍壅，即噴一口法水，化成火輪火箭。正待要燒秦兵，忽一女手執淨水瓶，從空撒下，其火盡滅。青牛向一望，只見玄女在上，急欲變去，被玄女將劍一指，現出真形，不能得脫。

且說老君在堂上查青牛之事，忽報玄女使至。喚人，使者呈上雲箋。老君開讀，略曰：

道長靜居法界，青牛肆毒大秦。其久不之返也何故？

讀罷嘆曰：“不意此畜擾害如此！”謂使者曰：“為我拜上玄女，匆匆不及回書，即遣人收拾矣。”隨命徐甲曰：“可執符帶鎖，速往大秦，收取此畜而回。”徐甲領命而往大秦。正值青牛與玄女相戰，乃向前大喝一聲，投符牛背，鎖縛牽出宮門，投東而去。宮中悉平。國王回宮整飭，宮中迎出其後。敕封玄女，大其廟寧，擺其夜宴。餘論不題。